



MØTEPROTOKOLL KOMMUNESTYRET

Møtedato: 23.09.2019
Møtestad: Heradsstyresalen, Dale
Møtetid: 11:00 - 13:30

Møtedeltakarar:

Medlemmer	Parti	Rolle
Eirik Haga	AP	Ordførar
Heidi Rongved	AP	Medlem
Anne Christin Eide	AP	Medlem
Magne Hestad	AP	Medlem
Jan Hansen	AP	Medlem
Bjørn Øivind Krogsrud	AP	Medlem
Sigmund Simmenes	SP	Varaordførar
Hege Eide Vik	SP	Medlem
Jarle Audestad	SP	Medlem
Line Eide Vik	SP	Medlem
Evelyn Boge	SV	Medlem
Arne Normann	KRF	Medlem
Anneli Vatile Lilletvedt	H	Medlem
Bjørn Roald	H	Medlem
Boris Groth	FRP	Medlem
Tom Charles Johnsen	MDG	Medlem

Varamedlemmer	Parti	Rolle
Vegar Sellevold	AP	Varamedlem
Odd Jøran Oldervik	SV	Varamedlem
Ellen Hagen	SV	Varamedlem

Forfall	Parti	Møtande varamedlem
Anders Jin Risnes	AP	
Brita Hesjedal Lunde	AP	Vegar Sellevold, AP
Jan Erik Bernes Roe	KRF	
Kjartan Haugsnes	SV	Odd Jøran Oldervik, SV
Line Kydland	SV	Ellen Hagen, SV



Andre møtande:

Rådmann Atle Fasteland

Ass. rådmann Åse Elin Myking

Kommunalsjef Samfunnsutvikling Helge Berset

Politisk sekretær Sølvi Legård

Saksliste

SAKSNR	TITTEL
53/2019	GODKJENNING AV INNKALLING OG SAKSLISTE
54/2019	GODKJENNING AV MØTEPROTOKOLL
55/2019	REFERATSAKER OG MELDINGAR
56/2019	KOMMUNEPLAN, AREALDEL ENDELEG FORSLAG
57/2019	KLAGEHANDSAMING AV VEDTAK OM KONSESJON VED ERVERV AV LANDBRUKSEIGEDOM GNR. 41, BNR. 1 KALAND I VAKSDAL KOMMUNE
58/2019	OVERFØRING AV DELTAKARFORHOLD I BERGEN OG OMLAND FRILUFTSRÅD VED KOMMUNESAMANSLÅING. VEDTAK FRÅ VAKSDAL KOMMUNE
59/2019	VARSEL FRÅ NVE OM PLANLEGGING AV SIKRINGSTILTAK I KUPEBEKKEN PÅ DALE, MED ØKONOMISKE OG JURIDISKE KONSEKVENSAER FOR KOMMUNEN
60/2019	INTERPELLASJON FRÅ HEIDI RONGVED - PASIENTAR MÅ DELA ROM PÅ DALETUNET
61/2019	GJENNOMGANG AV HELSE- OG OMSORG - MANDAT
62/2019	ENDRING AV TITTEL PÅ ØVERSTE ADMINISTRATIVE LEIAR I KOMMUNEN



53/2019: GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.

Kommunestyret 23.09.2019

Behandling:

Samrøystes vedtak.

KOM - sak 53/2019 Vedtak:

Innkalling og saksliste vart godkjent.

54/2019: GODKJENNING AV MØTEPROTOKOLL

Rådmannen sitt framlegg til vedtak:

Møteprotokollen vert godkjent slik han ligg føre.

Kommunestyret 23.09.2019

Behandling:

Samrøystes vedtak.

KOM - sak 54/2019 Vedtak:

Møteprotokollen vert godkjent slik han ligg føre.

55/2019: REFERATSAKER OG MELDINGAR

Rådmannen sitt framlegg til vedtak:

Referatsakene vert tatt til orientering.

Kommunestyret 23.09.2019

Behandling:

Til referatsak 1:

Framlegg frå Evelyn Boge, SV:

Vaksdal kommune vil på det sterkaste tilrå at det ikkje vert bygd ut vindmøller på land i Vestland fylke. Vi treng innbyggjarane i kommunane som medspelarar i kampen mot klimaendringane, ikkje motspelarar. Storskala vindmølleutbygging på land representerer ikkje berre visuell ureining og støy, det medfører og store irreversible inngrep i landskapet, mange stader i urørt natur. Vaksdal



kommune viser samstundes til FN sitt naturpanel som i 2019 kom med meldinga om at tap av urørt natur og artsmangfald representerer ein like stor trussel som klima.

Vaksdal kommune seier nei til meir vindmøller på land av di planane har store negative konsekvensar for natur og miljø.

Framlegg frå Eirik Haga, AP:

Administrasjonen sender kommunestyret sin vedtatte høyringsuttale som uttale i denne høyringa.

Røysting:

Dei to framlegga vart sett opp mot kvarandre. 3 røysta for Evelyn Boge sitt framlegg (SV) som dermed fall.

KOM - sak 55/2019 Vedtak:

Administrasjonen sender kommunestyret sin vedtatte høyringsuttale som uttale i denne høyringa. Referatsakene vart elles tatt til orientering.

56/2019: KOMMUNEPLAN, AREALDEL ENDELEG FORSLAG

Rådmannen sitt framlegg til vedtak:

Formannskapet rår til at vedlagt endeleg utkast til arealdel av kommuneplanen for Vaksdal 2019-2029 vert vedtatt av Kommunestyret, etter Plan- og bygingslova §11-15.

Formannskap/plan- og økonomiutvalet 26.08.2019

Behandling:

Saka vart behandla til slutt i møtet.

Kommuneplanleggjar Gjertrud Karevoll orienterte.

Endringsforslag (redaksjonell endring) frå Eirik Haga, AP:

Kommunestyret vedtek framlegg til kommuneplan for Vaksdal kommune 2019 - 2029 etter Plan- og bygningslova § 11-15.

Tilleggsframlegg frå Line Kydland, SV:

Formannskapet rår til at vedlagt endeleg utkast til arealdel av kommuneplanen for Vaksdal 2019-2029 vert vedtatt av Kommunestyret, etter Plan- og bygingslova §11-15 med følgjande presisering:

- I utgangspunktet vert det ikkje akseptert utfylling i sjø på Stanghelle og Vaksdal og dette vert teke ut av plan.*
- Nye hytter/fritidseiendommar skal kun oppførast i eksisterande hyttefelt/fortetting.*
- Hytter/fritidseiendommar skal ikkje etablerast ved sjø/sjølinje.*
- Regulering av bustadeiendommar på Boge i Vaksdal skal medtakast i denne planperioden.*

Endringsframlegg frå Bjørn Roald, H:

1. Regulering av Dalegården skal også omfatte handels- og servicebedrifter primært med tanke på å serve gjennomgangstrafikken på E16



2. Regulering av boligeiendommer på Boge i Vaksdal skal medtas i denne planperioden

Heidi Rongved ba om gruppemøte

Røysting:

- Eirik Haga sitt framlegg vart sett opp mot rådmannen sitt framlegg til vedtak. Eirik Haga sitt framlegg vart samrøystes vedteke
- Tilleggsframlegget frå Line Kydland fekk 1 røyst (SV) og fall.
- Tilleggsframlegget frå Bjørn Roald fekk 1 røyst (H) og fall.

FPØ - sak 62/2019 Tilråding:

Kommunestyret vedtek framlegg til kommuneplan for Vaksdal kommune 2019 - 2029 etter Plan- og bygningslova § 11-15.

Kommunestyret 23.09.2019

Behandling:

Evelyn Boge fremja SV sitt framlegg frå formannskapet på nytt:

Formannskapet rår til at vedlagt endeleg utkast til arealdel av kommuneplanen for Vaksdal 2019-2029 vert vedtatt av Kommunestyret, etter Plan- og bygningslova §11-15 med følgjande presisering:

- *I utgangspunktet vert det ikkje akseptert utfylling i sjø på Stanghelle og Vaksdal og dette vert teke ut av plan*
- *Nye hytter/fritidseiendomar skal kun oppførast i eksisterande hyttefelt/fortetting*
- *Hytter/fritidseiendomar skal ikkje etablerast ved sjø/sjølinje*
- *Regulering av bustadeiendomar på Boge i Vaksdal skal medtakast i denne planperioden*

Endringsframlegg frå Boris Groth på vegner av FRP, H:

Regulering av Dalegården skal også omfatte handels og servicebedrifter primært med tanke på å serve gjennomgangstrafikken på E16.

Endringsframlegg s 42 i planforslaget:

Ved Dalegården (10) er næringsføremålet frå førre plan vidareført. Dette området skal utviklast som eit næringsområde og/eller område for varehandel.

Tilleggsframlegg frå Bjørn Roald, H:

Regulering av Dalegården skal også omfatte handels og servicebedrifter primært med tanke på å serve gjennomgangstrafikken på E16.

Framlegget vart seinare trekt (inngår i framlegget frå Boris Groth).

Røysting:

Det vart først røysta over tilrådinga frå formannskapet. Denne vart samrøystes vedteken.

Tilleggsframlegget frå Evelyn Boge fekk 3 røyster (SV) og fall.

Tilleggsframlegget frå Boris Groth fekk 4 røyster (FRP, H, Bjørn Øivind Krogsrud (AP)) og fall.



KOM - sak 56/2019 Vedtak:

Kommunestyret vedtek framlegg til kommuneplan for Vaksdal kommune 2019 - 2029 etter Plan- og bygningslova § 11-15.

57/2019: KLAGEHANDSAMING AV VEDTAK OM KONSESJON VED ERVERV AV LANDBRUKSEIGEDOM GNR. 41, BNR. 1 KALAND I VAKSDAL KOMMUNE

Rådmannen sitt framlegg til vedtak:

Med heimel i forvaltningslova kap. IV § 33, opprettheld kommunestyret vedtaket av 28.05.19, om å ikkje setje buplikt som vilkår etter konsesjonslova § 11 andre ledd, ved tildeling av konsesjon til Ronny Lilletvedt. Konsesjonen gjeld for erverv av landbrukseiendom gnr. 41, bnr. 1 Kaland i Vaksdal kommune.

Vedtaket vert oversendt Fylkesmannen i Vestland for endeleg avgjerd.

Formannskap/plan- og økonomiutvalet 26.08.2019

Behandling:

Endringsframlegg frå Bjørn Roald, H:

Kommunestyret gir boplikt som omsøkt etter konsesjonslova. Konsesjonen gjelder erverv av landbrukseiendom gnr 41 bnr 1 Kaland i Vaksdal kommune.

Kommunestyret ber administrasjonen rullere strategi for bo og driveplikt for landbrukseiendommer i Vaksdal kommune. Saken legges fram for kommunestyret våren 2020.

Røysting:

Rådmannen sitt framlegg til vedtak vart sett opp mot Bjørn Roald sitt framlegg. Bjørn Roald sitt framlegg vart samrøystes vedteke.

FPØ - sak 63/2019 Tilråding:

Kommunestyret gir boplikt som omsøkt etter konsesjonslova. Konsesjonen gjelder erverv av landbrukseiendom gnr 41 bnr 1 Kaland i Vaksdal kommune.

Kommunestyret ber administrasjonen rullere strategi for bo og driveplikt for landbrukseiendommer i Vaksdal kommune. Saken legges fram for kommunestyret våren 2020.

Kommunestyret 23.09.2019

Behandling:

Framlegg frå Eirik Haga, AP:

I følge delegasjonsreglementet er det delegert til formannskapet å handsama slike klagesaker.

Saka er avgjort i formannskapet.



58/2019: OVERFØRING AV DELTAKARFORHOLD I BERGEN OG OMLAND FRILUFTSRÅD VED KOMMUNESAMANSLÅING. VEDTAK FRÅ VAKSDAL KOMMUNE

Rådmannen sitt framlegg til vedtak:

Vaksdal kommune, ved kommunestyret, gjev sin tilslutnad til at kommunane Fjell, Sund, Øygarden, Meland, Radøy, Lindås, Os og Fusa går ut av Bergen og Omland friluftsråd (BOF), med grunngjeving i kommunesamanslåing. Samstundes gjev kommunestyret sin tilslutnad til at dei nye kommunane Nye Øygarden, Alver og Bjørnafjorden vert deltakarkommunar i BOF, med overtaking av rettar og plikter frå sine respektive, samanslåtte kommunar.

Formannskap/plan- og økonomiutvalet 26.08.2019

Behandling:

Samrøystes vedtak.

FPØ - sak 64/2019 Tilråding:

Vaksdal kommune, ved kommunestyret, gjev sin tilslutnad til at kommunane Fjell, Sund, Øygarden, Meland, Radøy, Lindås, Os og Fusa går ut av Bergen og Omland friluftsråd (BOF), med grunngjeving i kommunesamanslåing. Samstundes gjev kommunestyret sin tilslutnad til at dei nye kommunane Nye Øygarden, Alver og Bjørnafjorden vert deltakarkommunar i BOF, med overtaking av rettar og plikter frå sine respektive, samanslåtte kommunar.

Kommunestyret 23.09.2019

Behandling:

Samrøystes vedtak.

KOM - sak 58/2019 Vedtak:

Vaksdal kommune, ved kommunestyret, gjev sin tilslutnad til at kommunane Fjell, Sund, Øygarden, Meland, Radøy, Lindås, Os og Fusa går ut av Bergen og Omland friluftsråd (BOF), med grunngjeving i kommunesamanslåing. Samstundes gjev kommunestyret sin tilslutnad til at dei nye kommunane Nye Øygarden, Alver og Bjørnafjorden vert deltakarkommunar i BOF, med overtaking av rettar og plikter frå sine respektive, samanslåtte kommunar.



59/2019: VARSEL FRÅ NVE OM PLANLEGGING AV SIKRINGSTILTAK I KUPEBEKKEN PÅ DALE, MED ØKONOMISKE OG JURIDISKE KONSEKVENSAER FOR KOMMUNEN

Rådmannen sitt framlegg til vedtak:

Saka vert tatt til orientering som grunnlag for komande sakshandsaming og politisk vedtak.

Formannskap/plan- og økonomiutvalet 26.08.2019

Behandling:

Samrøystes vedtak.

FPØ - sak 65/2019 Tilråding:

Saka vert tatt til orientering som grunnlag for komande sakshandsaming og politisk vedtak.

Kommunestyret 23.09.2019

Behandling:

Samrøystes vedtak.

KOM - sak 59/2019 Vedtak:

Saka vert tatt til orientering som grunnlag for komande sakshandsaming og politisk vedtak.

60/2019: INTERPELLASJON FRÅ HEIDI RONGVED - PASIENTAR MÅ DELA ROM PÅ DALETUNET

Frå Heidi Rongved, AP, låg det føre slik interpellasjon:

Underteikna har fått bekymring frå pårørande og tilsette ved Daletunet, om bruk av enkeltrom som dobbeltrom. Dette skal ha skjedd i fleire periodar i 2019. dobbeltrom vert teke ibruk for pasientar på avlastning, kortidsopphald, eller dei som ligg på «vent» for å få vedtak om langtidsopphald.

Det er i dag 19 rom til bruk for pasientar i 4. etg. 2 av romma er på 28,5 kvm, resten er på 24kvm. I 5. etg står 20 pasientrom ledig.

Romma på Daletunet er ikkje bygd for dobbeltrom- bruk. Det manglar blant anna nattlys og ringesnor for 2 pasientar på romma.

Forskrift for sykehjem og boform for heldøgns omsorg og pleie § 4.1

Sengerommene skal som hovedregel være enerom. Det kan innredes to-sengsrom for ektefeller og andre som ønsker å bo sammen. Sengerommene skal ha en størrelse og utforming som forenkler stellet av sengeliggende pasienter. Rommene bør ha uttak for telefon. Det skal være et WC-rom i tilknytning til hvert sengerom.



Ein må ta hensyn til pasientane sin tilstand og kjønn når dei skal dele rom, og det kan verta ei større omflytting av pasientar for å få dette til. Dette berører og pasientar på langtidopphald. Avdelinga har i dag pasientar med «alle» typer diagnoser, og slike omrokeringar skaper uro blant dei. Størrelsen på fellesarealet vert og ei utfordring ved måltider med vidare.

På bakgrunn av pasientane sin sikkerhet og trivsel, og dei tilsette sin arbeidssituasjon:
Vil ordføraren ta initiativ til at ingen pasientar skal måtte dele rom, mot sin vilje, på sjukeheimane?
Vil ordføraren åpne opp for bruk av 5. etg ved Daletunet ved behov?

Kommunestyret 23.09.2019

Behandling:

Interpellanten fekk ordet først for å fremja interpellasjonen.

Ordførar gav slikt svar:

Bebuarar på langtids plass på sjukeheim skal som hovudregel ha tilbod om enkeltrom. Vaksdal kommune tilbyr alle langtids pasientar enkeltrom. Ved ønskje om å dela rom, noko som vanlegvis gjeld ektepar, strekkjer ein seg langt for å etterkomma dette.

Fleire kommunar nyttar dobbeltrom fast på korttidsavdeling. I Vaksdal har me som hovudregel også enkle rom for dei som får korttids plass. I unntakstilfelle der det er trong for fleire korttids plassar, vert eit til to av dei største romma på avdelinga nytta som dobbeltrom. Dette dreiar seg om korte periodar i løpet av året.

I 2019 har det vore nytta dobbeltrom på korttidsavdelinga i desse periodane:

- Nokre veker frå veke 5 i slutten av januar og ut i februar
- Ca. ei veke i mars
- Ca. ei veke i april
- September: ca. to veker fram til d.d.

Dei to aktuelle romma er større enn dei andre på avdelinga, og dei vert tilrettelagt for to pasientar. Det vert sett inn seng og anna utstyr som t.d. leselampe. Pasient i seng nummer to nyttar smykkesendar (trådløs trygghetsalarm) for å tilkalla pleiar då det berre er ei ringjesnor på romma. Trådløs alarm vert vurdert som ei betre løysing enn fast ringjesnor.

Ved bruk av doble rom vert det nøye vurdert kven som kan bu på dobbeltrom. Det vert teke personlege og faglege omsyn. Det er alltid like kjønn som delar rom, med mindre det er ektepar/sambuarar som ønskjer å bu i lag. Døydende pasientar bur alltid åleine.

Fellesarealet i 4. etasje er dimensjonert til 20 pasientar. I periodar der det vert nytta doble rom, er det 20 - 21 pasientar i etasjen. Vanlegvis er det fleire pasientar i etasjen som p.g.a. helsetilstand ikkje nyttar fellesarealet. I periodar kan dette dreia seg om rundt 8 opp mot 10 pasientar. Fellesarealet skal derfor vera dimensjonert til det tal pasientar som oppheld seg der sjølv om det er 21 pasientar i avdelinga i staden for 20 som var grunnlag for dimensjonering av fellesareal.

Totalt sett er det få døgn i løpet av eit år at det vert nytta doble rom. Å opna 5. etasje for 1-2 pasientar desse døgn, vert ikkje vurdert som ei god løysing. Fagleg vert det vurdert på grensa til uforsvarleg å ha så få pasientar åleine i ein etasje. Det er også praktisk tungvint å ha drift i to etasjar, og ressursane vert betre nytta ved drift i ein etasje. Det er heller ikkje budsjettramme til å bemanna



ein etasje til.

Det har ikkje vore store problemstillingar eller avik knytt til bruk av dobbeltrom. Kommunar som nyttar dobbeltrom fast på korttidsavdelinga, har mykje dei same erfaringar som Vaksdal. Det fører vanlegvis ikkje til store problem, men det krev meir planlegging ved inn- og utflytting p.g.a. omsyn til kjønns og vurderingar rundt kven som bør og ikkje bør dela rom.

Me har erfart at det er viktig med tidleg informasjon, særleg til pårørande. Når me får informert tidleg og har god dialog med pasient og pårørande, er det liten/mindre motstand mot å bu på dobbeltrom. Mange av pasientane er også van til dobbeltrom og fleirsengsrom ved sjukehusopphald.

Alternativ til bruk av doble rom vert vurdert. Dette kan gjelda auka helsehjelp i heim, andre butilbod som t.d. tryggleiksplass, og å venta som utskrivingsklar på sjukehus. Når me brukar dobbeltrom, vert dette vurdert som det beste alternativet, t.d. til fleirsengsrom eller som korridorpatient på sjukehus. Det kan også gjelda heimebuande som treng raskt sjukeheims plass, men som ikkje fyller kriteriane til kommunal øyeblikkeleg hjelp plass (ØH/KAD-plass) som me har avtale med Voss kommune om.

Frå 1. juli 2014 vart det innført redusert eigenandel for personar som ved langtidsopphald må bu ufrivillig på dobbeltrom i kommunale helse- og omsorgsinstitusjonar (Forskrift om eigenandel for kommunale helse- og omsorgstenester, endring i § 3, andre ledd). Dette gjeld ved langtids plass. Sitat frå presisering frå Helse- og omsorgsdep.: «Dette betyr at endringene ikke vil få konsekvenser for beboere som under korttidsopphold må dele rom med andre.»

Helse og omsorg søker så langt som råd å unngå bruk av doble rom. Men i dei tilfella det er aktuelt, vert det vurdert som ei betre løysing for alle partar å nytta eit til to doble rom i 4. etasje framfor å ha ein til to pasientar åleine i 5. etasje.

Det vart så opna for debatt.

61/2019: GJENNOMGANG AV HELSE- OG OMSORG - MANDAT

Rådmannen sitt framlegg til vedtak:

Kommunestyret ber rådmann hente inn ekstern bistand til gjennomgang av tilbod, kvalitet og ressursbruk i helse og omsorg. Analysen skal gjelde både dagens situasjon og framtida og skal vurdere våre tenester opp mot sentrale føringer og utviklingstrekk innan sektoren. Gjennomgangen skal sjåast i samanheng med øvrig organisering og drift i kommunen.

Kommunestyret 23.09.2019

Behandling:

Utsetjingsframlegg frå Heidi Rongved på vegner av AP, SP, KRF:

Kommunestyret ber om at saka blir oversendt til det nye kommunestyret. Det blir sett av pengar i budsjettet til føremålet



Det vart først røysta over utsetjingsframlegget som vart samrøystes vedteke.

KOM - sak 61/2019 Vedtak:

Kommunestyret ber om at saka blir oversendt til det nye kommunestyret. Det blir sett av pengar i budsjettet til føremålet.

62/2019: ENDRING AV TITTEL PÅ ØVERSTE ADMINISTRATIVE LEIAR I KOMMUNEN

Rådmannen sitt framlegg til vedtak:

Kommunestyret støttar at tittelen på kommunen sin øverste administrative leiar blir endra frå Rådmann til Kommunedirektør frå 01.01.20

Kommunestyret 23.09.2019

Behandling:

12 røysta mot rådmannen sitt framlegg til vedtak (Odd Jøran Oldervik, Ellen Hagen (SV), SP, KRF, FRP, Bjørn Øivind Krogsrud, Jan Hansen, Vegard Sellevold, Heidi Rongved (AP).

KOM - sak 62/2019 Vedtak:

Tittelen på kommunen sin øverste administrative leiar skal fortsatt vera Rådmann.



ORIENTERINGAR

Orientering frå rådmannen:

- Bergsdalen skule

Våren 2019 og no i haust har det vore møter mellom politisk og administrativ leiing i Vaksdal kommune og bebuare i Bergsdalen om framtida til skulen. Ordførar og rådmann var på eit møte i juni. No i september har rådmann hatt eit møte på skulen i Bergsdalen og eit møte med representantar frå bygdefolket på Heradshuset. Representantane vart valde i møtet på skulen i september.

Saka er no komen så lagt at rammer for evnetuell overtaking er klare. Det er ikkje oppretta ei sak, men rådmannen treng politiske signal på om det er tenleg og ønskeleg at ein går vidare med prosessen.

Ordførar og varaordførar er orienterte om saka og har vore samtalepart for rådmannnen i arbeidet. Ei slik sak kan skape konflikter både i eit bygdelag og internt i ein kommune. Truleg spesielt punkt 2a. Rådmannen ser at slik saka no står, vil nokre kunne hevda, at Bergsdalen får godt betalt for å ta ansvar for skulebygget og drifta det til beste for bygda. Samstundes ser rådmannen at saka neppe kan skape «presidens» og at det har vore ein lang og noko kroklete historie fram orienteringa i dag 23.09.19.

Bakgrunn for prosessen er tidlegare politiske vedtak. Ligg i kopi.

Som ein ser av kopi tidlegare vedtak er dette ei sak som har gått over fleire år. Rammene som no ligg føre er:

1. *Innbyggjarane i Bergsdalen, 22 representantar, vil vera med på å skipa eit nytt lag med føremål å eiga og drive skulen vidare til beste for bygda. Arnfinn Trøen er førebels representant for laget.*
2. *Vaksdal kommune vil, saman med representantar frå Bergsdalen, gå gjennom bygget og sjå kva stand det er i. Bygget skal vere i «akseptabel» stand ut frå at det er vel 40 år gammalt. Skulen skal ikkje oppgraderast til standard 2020.*
 - a. *Ut frå kva stand bygget/bygga held, og omkostningar ved overdraginga, vil det nyoppretta laget i Bergsdalen få eit tilskot frå kommunen. Tilskotet er eit eingongstiskot på mellom 500 og 750.000 kroner.*
3. *Etter synfaring og statsusrapport for bygget er prosessen tenkt;*
 - a. *Regulerings, og bruksendring samt privatrettslege krav må avklarast og ryddast i.*
 - b. *Juridiske og økonomiske tilhøve rundt eventuell overdraging til bygda må klarerast.*
 - c. *Endeleg kontrakt må opprettast dereit nyskipa bygdelag med eige organisasjonsnummer overtek ansvar og drift av «gamle» skulen i Bergsdalen.*
4. *Bygget, skulen i Bergsdalen, skal nyttast til samfunngavnlege føremål.*
5. *Om ein etter nokre år ser seg nødde til å avhende bygget skal Salsinntektene med frådrag for kostnader ved sal, regulerings- og bruksendring samt rettmessige privatrettslege krav vert sett av til eit fond til utvikling av Bergsdalen.*



Det er gjort slikt vedtak:

Tilbudet frå Bergsdalen Jordbrukslag vert ikkje godkjent. Med bakgrunn i eit generelt stort vedlikehaldsetterslep på kommunale bygg er det eit mål å få ned den kommunale eigedomsmassen. Samstundes er det prisverdig at lokalsamfunnet vil yta for å ta vare på Bergsdalen skule. Rådmannen og ordførar vert bedt om å gå ein siste runde med lokalsamfunnet med tanke på å framforhandla ein avtale om bruk som samfunnshus/sal/overtaking av Bergsdalen skule for å få ned dei kommunale driftsutgiftene, slik at bygninga kan koma lokalsamfunnet til gode.

Vaksdal kommune er i startfasen av rulleringa av kommuneplanen. I det høvet ynskjer kommunestyret å få gjennomført eit "mulighetsstudium" for å sjå på potensialet for Bergsdalen i eit næringsperspektiv, eit folkehelseperspektiv og eit samfunnsperspektiv. Eventuell alternativ bruk av skulebygget vert og vurdert.

Rådmannen kjem tilbake med ei sak om rammene for eit "mulighetsstudium".

Dersom ein ikkje når fram med ein avtale med lokale interesser vert eigedomen lagt ut for sal på den opne marknaden med omregulering til fritidsbustader og sal til høgstbydande. Salsinntektene med frådrag for kostnader ved sal, regulerings- og bruksendring samt rettmessige privatrettslege krav vert sett av til eit fond til utvikling av Bergsdalen i tråd med ideane i "mulighetsstudiet".

Kommunestyret skal ha ein eventuell avtale til godkjenning.

Sak 016/09 2009.

MELDING OM VEDTAK - ENDRING AV FORSKRIFT OM OPPTAKSOMRÅDE FOR SKULANE I VAKSDAL

Det er gjort vedtak i saka slik det framgår nedanfor:

Utval: Kommunestyret Møtedato: 30.03.2009 Sak: KOM-016/09

Behandling i møtet:

Utsetjingsframlegg frå Karin Groth, FRP: Vaksdal FrP fremmer forslag om å utsette sak 016/09 slik at foreldrene med foreldrerådene kan gjennomføre en forsvarlig behandling av saken. Det samme gjelder for å kunne behandle en slik stor sak i partigruppene. Sakspapirene med uttalelsene fra foreldrerådene, og framstilling fra sakshandsamer kom for sent til å kunne behandles i dette kommunestyremøtet.

Det vart først røysta over utsetjingsframlegget – Framlegget fekk 2 røyster (FRP) og fall.

Kjetil Rødland ba om gruppemøte.

Etter gruppemøtet gjorde Terje Davidsen greie for gruppa sitt syn. Han meldte frå om at det ville koma eit endringsframlegg frå SP.

Subsidiært framlegg frå Karin Groth, FRP: Vaksdal FRP går inn for at opptaksområde for Eidsland endres. Vaksdal FRP går inn for at opptaksområdet til Bergsdalen skole opprettholdes slik som det er i dag.

Endringsframlegg frå Kjetil Rødland, SP: Dersom elevtalsutviklinga i Bergsdalen viser at elevtalet vert større enn 10, skal det fremjast ny sak der ein vurderar endring av opptaksområde for skulane i Vaksdal.



Røysting: Formannskap/plan- og økonomiutvalet si innstilling vart sett opp mot det subsidiære framlegget frå Karin Groth: Framlegget til Karin Groth fekk 2 røyster (FRP) og fall.

Endringsframlegget frå Kjetil Rødland vart sett opp mot Formannskap/plan- og økonomiutvalet si innstilling – formannskap/plan- og økonomiutvalet si innstilling fekk 4 røyster (H og Karin Groth) og fall.

Vedtak:

I Vaksdal vil det vera 5 skular: Eksingedalen skule (barne- og ungdomstrinn) Stamnes skule (barnetrinn) Dale barne- og ungdomsskule (barnetrinn og elevar på ungdomstrinnet frå heile kommunen med unntak av Eksingedalen) Stanghelle skule (barnetrinn) Vaksdal skule (barnetrinn)

Opptaksområde for barnetrinnet på Dale barne- og ungdomsskule omfattar også tidlegare Bergsdalen skule.

Opptaksområde for Stamnes skule omfattar også Eidsland og Eksingedalen til Høvik.

Opptaksområde for Eksingedalen skule strekkjer seg nedover Eksingedalen til og med Høvik.

Dersom elevtalsutviklinga i Bergsdalen viser at elevtalet vert større enn 10, skal det fremjast ny sak der ein vurderar endring av opptaksområde for skulane i Vaksdal.

Det vert kjøpt elevplassar for elevane frå Eidsland og Høvik i Modalen.

- Om økonomien i Vaksdal kommune:

Vi har sett fylgjande skriv på sosiale media og andre stader.

«Kort om økonomi i Vaksdal kommune.

Det kom til litt debatt i kommunestyret i Vaksdal 17. juni då SV, Høgre og Frp ville disponere noko av overskotet tilbake til tenestene i kommunen. Ap er krasse i kritikken sin, men frå vår side vil vi påpeike følgjande:

Vaksdal kommune sitt overskot (netto driftsresultat i 2018) var på 14 979 277 kroner (altså etter at drift, renter og avdrag er betalt) av dette har kommunen oppgitt overskot på 4 690 000 kr. Det ein her kan merke seg er at "overskotet" på 4 690 000 er etter at det er sett av 10 050 000 frå drift til investeringar.

For å forklare kort har fleirtalet og administrasjonen (skal det vise seg) teke 10 millionar kroner frå driftsbudsjettet over til investeringsbudsjettet. ETTER dette er gjort er det likevel eit overskot på 4,6 millionar kroner.

I budsjettet for 2018 vart det sett av omlag 6,1 millionar kroner frå drift til investeringar. Dette har administrasjonen auka til 10 millionar utan politisk vedtak (ulovleg og omtala av revisor som skriv:

"Disponering av mindreforbruk driftsrekneskap Bruk av netto driftsresultat er ei sak for kommunestyret, og disponeringa må såleis vere i samsvar med budsjett. I driftsrekneskapen for 2018 er overføring til investeringsrekneskap og avsetjing til disposisjonsfond høgare enn budsjetterte beløp. Overføring må godkjennast gjennom disposisjonsvedtak. "

Frå SV si side er det viktig at det er politikarane som gjer vedtak i budsjett og ikkje administrasjonen. Når det kjem signal om at einingar slit med økonomien kan politikarane gjere



endringar undervegs.

Innanfor slik ramme som beskrive meiner SV det er fullt ut ansvarleg å auke drifta noko i 2019 (omlag 3 millionar kroner) Vi har eit ansvar for innbyggjarane ikkje berre botnlinja.

I budsjettet for 2020 må vi rette opp feilbudsjetteringa (over fleire år) i pleie og omsorg som er på omlag 7 millionar kroner årleg. Dette tilsvarar omlag 12 heile stillingar og medfører sansynlegvis at einingar går med underskot på løn kvar månad. (Dei tilsette er der, men ikkje lønsmidlane) Om Ap er uroa over økonomistyringa begynn her!»

Nokre punkt frå rådmannen til dette:

- Budsjettet for overføring til investering var opphavleg 6,1 MNOK, men vart auka til 9,5 MNOK i KS vedtak 36/18 og 75/18.
- Kommunen veit ikkje alle summar for avsetning til/frå fond før i jan/feb året etter, og då er det for seint å gjere budsjettjusteringar. Revisjonen er klar over dette og har ingen forslag til korleis vi kan gjere dette på anna måte, men dei må kommentera punktet i deira revidering av rekneskapen.
- Vedtak i kommunestyre sak 100/2016 seier at «Ved gevinst ved sal av konsesjonskraft vert 2/3 av gevinsten overført frå drift til investering og 1/3 av gevinsten vert sett av til disposisjonsfond». I år med relativt høge kraftprisar vil posten for overføring til investering og posten for avsetning til disposisjonsfond vere høgare enn budsjettert. Så langt rådmannen kan sjå har ein ikkje fatta vedtak på tvers av Kommunestyret, men følgd vedtak i sak 100/2016 om avsetningar. Dette kan også forklare at overført sum avvik frå opphavleg budsjett.
- Alle avsetningar er i samsvar med vedtak kommunestyret har gjort. Det revisjonen peiker på er nokre mindre avsetningar ved utgangen av rekneskapsåret, t.d. øyremerka midlar som ikkje er brukt opp i året. Dette gjer ein i alle kommunar, og dette vert gjort greie for i årsmeldingane.
- Revisjonen meiner dei må påpeike dette i sin rapport, men dei har ingen råd om korleis dette kan bli gjort på anna vis. I Vaksdal har vi siste budsjettjustering i desembermøtet, som fangar opp det meste, men ikkje alt.
- Rådmannen kan ikkje sjå at kommunal leiding har feilbudsjettert helse og omsorg. Så langt rådmannen kan sjå er budsjettvedtaka vidareført i alle kommunale einingar. Om nokon politisk meiner at dette er for lite, er det ei anna sak, men rådmannen har følgd opp politiske vedtak etter beste skjønn. Rådmannen kan ikkje sjå at meirforbruk på einingane er på grunn av feil budsjettering, men meir eit resultat av overforbruk på bakgrunn av auka behov i året. Det er stor skilnad på for lite budsjettert til at rådmannen med medvite har budsjettert lågare enn politiske vedtak syner.
- Vaksdal kommune skal til hausten ha ein gjennomgang av mellom anna Helse og omsorg frå ein ekstern aktør for å finne svar på nokre av dei utfordringane vi har med nivå på rammer, organisering og innhald i tenestene.



Tekstdel

Budsjettet for overføring til investering var ikkje 6,1 mill slik det står. Det var den opprinnelege budsjettsummen men den blei auka til 9,5 mill i KS vedtak 36/18 og 75/18.

Kommunen veit ikkje alle summar for avsetning til/frå fond før i jan/feb året etter og då er det for seint å gjere budsjettjusteringer. Revisjonen er klar over dette og har ingen forslag til korleis vi kan gjere dette på anna vis, men dei må kommentera punktet i deira revidering av rekneskapen.

Eit anna moment som gjer at overført sum avviker frå opprinneleg budsjett, er at vedtak i kommunestyre sak 100/2016 seier at «Ved gevinst ved sal av konsesjonskraft vert 2/3 av gevinsten overført frå drift til investering og 1/3 av gevinsten vert sett av til disposisjonsfond». I år med relativt høge kraftprisar vil posten for overføring til investering og posten for avsetning til disposisjonsfond vere høgare enn budsjettet. Så langt rådmannen kan sjå har ein ikkje fatta vedtak på tvers av Kommunestyret, men fulgt vedtak i sak 100/2016 om avsteningar. Alle avsetningar er i medhald til vedtak kommunestyret har gjort. Det revisjonen peiker på er nokre mindre avsetningar ved utgangen av regnskapsåret, t.d øyremerkte midler som ikkje er brukt opp i året. Dette gjer ein i alle kommuner og blir gjort greie for i årsmeldingene. Revisjonen meiner dei må merke dette i sin rapport, men har ingen råd om korleis dette kan bli gjort på anna vis. I Vaksdal har vi siste budsjettjustering i desembermøtet som fangar opp det meste, men ikkje alt.

Rådmannen har og vanskar med å sjå at kommunal leiding har feilbudsjettert pleie og omsorg. Så langt rådmannen kan sjå er budsjettvedtak vidareført i alle kommunale einingar. Om nokon politisk meiner at dette er for lite er det ei anna sak, men administrasjonen har fulgt opp politiske vedtak etter beste skjønn. Rådmannen kan ikkje sjå at meirforbruk på einingane er på grunn av feil budsjettering, men eit resultat av overforbruk på bakgrunn av auka behov i året. Det er stor skilnad på for lite budsjettert til at administrasjonen med viten og vilje har budsjettert lågare enn politiske vedtak syner.

Vaksdal kommune skal til hausten ha ein gjennomgang av mellom anna Helse og omsorg frå ein ekstern aktør for å finne svar på nokre av dei utfordringane vi har med nivå på rammar, organisering og innhald i tenestene.

- Prosessar på heradshuset, m.a. inngangspartiet

Rådmannen opplyste om at dette vil koma som sak i nytt kommunestyre.

K5 Status planarbeid

v/kommunalsjef Samfunnsutvikling Helge Berset

Orientering frå varaordførar:

- Nordhordland Biosfæreområdet



SPØRSMÅL

Arne Normann

Kva er status for arbeidet med oppveksttun på Stamnes
Rådmannen v/kommunalsjef Samfunnsutvikling svarte

Heidi Rongved

- Om randkommunesamarbeidet og tilsetjing i 40% stilling
- Om postgangen frå forvaltningskontoret
Rådmannen svarte

Bjørn Roald

Om hensatte bilar i og utanfor tunnelar på Boge
Rådmannen svarte